



পরিবারে শিশুর বেড়ে ওঠা

আলোচ্য বিষয়াবলি

- পরিবারের ধারণা ও ধরন • বাংলাদেশে গ্রাম ও শহরের পরিবার • পরিবর্তনশীল পরিবার ও শিশুর সামাজিকীকরণ
- শিশুর সামাজিকীকরণে পরিবারের সদস্য ও তাদের পারস্পরিক সম্পর্কের ভূমিকা।

এক নজরে অধ্যায়ের মূলভাব জেনে নিই

পরিবার হচ্ছে শিশুর বেড়ে ওঠার প্রথম সূতিকাগার। পরিবারের মাধ্যমেই শিশুর সামাজিকীকরণ শুরু হয়। নানা বিবর্তনের মাধ্যমে পরিবার আজকের পর্যায়ে এসে উপনীত হয়েছে। পরিবারের উৎপত্তি যেভাবেই হোক না কেন, মানবসমাজের সবচেয়ে গুরুত্বপূর্ণ সামাজিক প্রতিষ্ঠান হলো পরিবার। আর এ পরিবারই হলো সমাজের ক্ষুদ্রতম একক।



অধ্যায়ের শিখনফল

এ অধ্যায় পাঠ শেষে আমরা—

- পরিবারের ধারণা ও বিভিন্ন ধরন সম্পর্কে ব্যাখ্যা করতে পারব;
- বাংলাদেশের গ্রাম ও শহরের পরিবারের মধ্যে তুলনা করতে পারব;
- শিশুর সামাজিকীকরণে পরিবর্তনশীল পরিবারের ভূমিকা বিশ্লেষণ করতে পারব;
- শিশুর সামাজিকীকরণে পরিবারের সদস্যদের ভূমিকা বর্ণনা করতে এবং পারস্পরিক সম্পর্কের গুরুত্ব ব্যাখ্যা করতে পারব;
- মানবিক ও সামাজিক গুণাবলি রপ্ত করে পারিবারিক ও সামাজিক সম্পর্ক উন্নয়নের যোগ্যতা অর্জন করব এবং শৃঙ্খলাপূর্ণ আচরণে উদ্বুদ্ধ হব।



সেরা পরীক্ষাপ্রস্তুতির জন্য 100% সঠিক ফরম্যাট অনুসরণে সর্বাধিক সৃজনশীল ও বহুনির্বাচনি প্রশ্নোত্তর

শিক্ষার্থী বন্ধুরা, তোমাদের সেরা প্রস্তুতির জন্য এ অধ্যায়ের গুরুত্বপূর্ণ প্রশ্নোত্তরসমূহকে অনুশীলনী, সৃজনশীল ও বহুনির্বাচনি—এ তিনটি অংশে শিখনফলের ধারায় উপস্থাপন করা হয়েছে। সৃজনশীল ও বহুনির্বাচনি অংশে মাস্টার ট্রেইনার প্যানেল কর্তৃক প্রণীত প্রশ্নোত্তরের পাশাপাশি ছুদ পরীক্ষার প্রশ্নোত্তর সংযোজন করা হয়েছে।

অনুশীলনীর প্রশ্নোত্তর পাঠ্যবইয়ের প্রশ্নের উত্তর শিখি



বহুনির্বাচনি প্রশ্নোত্তর

সঠিক উত্তরটির বৃত্ত (●) ডরাট কর :

- শিশু বেড়ে ওঠার প্রথম সূতিকাগার কোনটি?
 ● পরিবার
 ১) শিক্ষা প্রতিষ্ঠান
 ২) ধর্মীয় প্রতিষ্ঠান
 ৩) খেলার সাথি
- যৌথ পরিবার শিশুদের মধ্যে—
 i. অন্যের মতামত গ্রহণের ক্ষমতা বাড়ায়
 ii. বিলাসী জীবনযাপনের মনোভাব তৈরি করে
 iii. অন্যকে সাহায্য করার প্রবণতা বাড়ায়
 নিচের কোনটি সঠিক?
 ১) i ও ii
 ২) i ও iii
 ৩) ii ও iii
 ৪) i, ii ও iii
- নিচের উদ্দীপকটি পড়ে ৩ ও ৪ নম্বর প্রশ্নের উত্তর দাও :
 ফারুক ও হাসিব একই শ্রেণিতে পড়ে। হাসিব প্রায়ই মা-বাবার সাথে বেড়াতে যায়। হাসিব সব সময় হাসিখুশি থাকে। ফারুকের মা-বাবা ঝগড়া করে আলাদা বসবাস করেন। ফারুক মায়ের সাথে থাকলেও সব সময় তার মন খারাপ থাকে।
- ফারুক ও হাসিবের আচরণের ভিন্নতার কারণ কী?
 ● পারিবারিক পরিবেশ
 ১) সহপাঠী
 ২) শিক্ষা প্রতিষ্ঠান
 ৩) প্রতিবেশী
- ফারুক ভবিষ্যতে কী ধরনের আচরণ করতে পারে?
 ● বন্ধুদের এড়িয়ে চলবে
 ১) সহপাঠীদের সাহায্য করবে
 ২) নিয়মিত স্কুলে আসা-যাওয়া করবে
 ৩) অন্যদের প্রতি সহমর্মিতা প্রকাশ করবে

সৃজনশীল প্রশ্ন ও উত্তর

প্রশ্ন ১। অধরা ও অবন্তি দুই বান্ধবী। অবন্তিদের বাসায় তার একটি ছোট ভাই থাকে। অধরাদের বাসায় অবন্তি বেড়াতে গিয়ে দেখতে পায় যে একটি বড় ডাইনিং টেবিলে চাচা-চাচি, দাদা-দাদিসহ অনেকে খাচ্ছে এবং খাওয়া শেষে অবন্তি, অধরাসহ দাদির গল্প শুনতে শুনতে ঘুমিয়ে পড়ল। অবন্তির খুব ভালো লাগল।

- ক. সামাজিকীকরণ কী? ১
- খ. শিশুর ভাষা শিক্ষার প্রথম মাধ্যম 'মা'—ব্যাখ্যা কর। ২
- গ. অবন্তিদের পরিবার কোন ধরনের পরিবার—ব্যাখ্যা কর। ৩
- ঘ. "সামাজিকীকরণের ক্ষেত্রে অধরাদের পরিবারের ভূমিকা বেশি"—এ বক্তব্যের সাথে তুমি কি একমত? তোমার মতামত দাও। ৪

১নং প্রশ্নের উত্তর

ক. যে প্রক্রিয়ার মাধ্যমে মানবশিশু ক্রমশ সামাজিক মানুষে পরিণত হয় তাই সামাজিকীকরণ।

খ. শিশুর সামাজিকীকরণের প্রথম সূত্রপাত ঘটে মায়ের কাছ থেকেই। মা শিশুর খাদ্যাভ্যাস গঠন করেন। শিশুর ভাষা শিক্ষার প্রথম মাধ্যম 'মা'। মা-ই প্রথম ঘুম পাড়ান। পরবর্তীতে বর্ণ শিক্ষা, শব্দ শিক্ষা, ছড়া শিক্ষা 'সবকিছু মা-ই' দিয়ে থাকেন। এসবই শিশু মনে প্রভাব ফেলে, যা তার আচার-আচরণের মধ্য দিয়ে প্রকাশ পায়। সুতরাং বলা যায়, শিশুর ভাষা শিক্ষার প্রথম মাধ্যম মা।

গ উদ্দীপকে অবস্থিদের পরিবার একটি একক পরিবার। বৈশিষ্ট্যের দিক থেকে পরিবারের ধরন ভিন্ন হয়। যেমন— একক পরিবার ও যৌথ পরিবার। স্বামী-স্ত্রী ও অবিবাহিত সন্তান নিয়ে একক পরিবার গঠিত হয়। আবার সন্তান উপযুক্ত হলে বিয়ে করে আলাদা পরিবার গঠন করে। তখন আরেকটি নতুন একক পরিবার গঠিত হয়। বাংলাদেশের শহরাঞ্চলে একক পরিবারের সংখ্যা অনেক বেশি। উদ্দীপকের অবস্থি যেহেতু তার মা-বাবা ও ছোট ভাইকে নিয়ে একটি পরিবারে বাস করে। তাই এটা একক পরিবার হিসেবে গণ্য হবে। অতএব বলা যায়, অবস্থিদের পরিবার একক পরিবার।

ঘ হ্যাঁ, সামাজিকীকরণের ক্ষেত্রে অধরাদের পরিবারের ভূমিকা বেশি। প্রশ্নোত্তর এ বক্তব্যের সাথে আমি একমত।

অধরাদের পরিবারটি যৌথ পরিবার। রক্তের সম্পর্কের ভিত্তিতে কয়েকটি একক পরিবার মিলে যৌথ পরিবার গঠিত হয়। অর্থাৎ কোনো পরিবারের কর্তার সাথে যদি তার মা-বাবা, ভাই, বোন, চাচা-চাচি, দাদা-দাদি সবাই একত্রে বাস করে, তখন ওই পরিবারকে যৌথ পরিবার হিসেবে আখ্যায়িত করা হয়। যৌথ পরিবারের সকল সদস্যের বন্ধুত্বপূর্ণ আচরণের মাধ্যমে শিশুর সামাজিকীকরণের আশাব্যঞ্জক বিকাশ ঘটে। আলোচ্য উদ্দীপকে অধরাদের বাড়িতে তারা চাচা-চাচি, দাদা-দাদি, মা-বাবা সবাই একসাথে বাস করেন। বাড়ির ছোটরা দাদির কাছ থেকে নানাধরনের গল্পও শোনে। যৌথ পরিবারের এরূপ আচরণ সামাজিকীকরণে গুরুত্বপূর্ণ ভূমিকা পালন করে। এক্ষেত্রে যৌথ পরিবারের সকল সদস্যের সাথে শিশুর পারস্পরিক আচার-আচরণিক সম্পর্ক গড়ে ওঠে। এ সম্পর্কের মধ্য দিয়ে শিশু সহযোগিতা, সহিষ্ণুতা, সহমর্মিতা বিভিন্ন গুণ অর্জন করার সামাজিক শিক্ষা পায়, যা শিশুর সামাজিকীকরণে গুরুত্বপূর্ণ ভূমিকা রাখে। অতএব বলা যায়, প্রশ্নোত্তর উক্তিটি যথার্থ।

প্রশ্ন ২ রত্না ও রূপা চাচাতো বোন। একই বাড়িতে তারা দাদা-দাদিসহ বসবাস করত। তাদের মধ্যে খুবই বন্ধুত্ব। রত্নার বাবা চাকরি নিয়ে অন্যত্র বদলি হলে রত্না মা-বাবার সাথে চলে গেল। রূপা দাদা-দাদিসহ অন্যদের সাথে বসবাস করতে লাগল। অনেকদিন পর রত্না ও রূপার দেখা হলে তারা আগের মতো মিশতে পারে না। রূপা মিশতে গেলেও রত্না এড়িয়ে চলতে চায়। রূপা সবার সাথে মিলেমিশে থাকতে চায়। সবাইকে সহযোগিতা করতে চায়। এজন্য সবাই রূপাকে খুব পছন্দ করে।

- ক.** সাধারণত শিশুরা ধর্মীয় শিক্ষা কোথায় পায়? ১
- খ.** পরিবার চিরস্থায়ী সামাজিক সংগঠন—ব্যাখ্যা কর। ২
- গ.** রত্নার এরূপ আচরণের কারণ ব্যাখ্যা কর। ৩
- ঘ.** “রূপার আচরণে যৌথ পরিবারের অবদান সর্বাধিক”—তুমি কি একমত? উত্তরের সপক্ষে যুক্তি দাও। ৪

২নং প্রশ্নের উত্তর

ক সাধারণত পরিবারেই শিশুরা ধর্মীয় শিক্ষা পায়।


খ পরিবার থেকে মানবজাতি বিকাশ লাভ করেছে এবং তার সাথে সমাজেরও অগ্রগতি সাধিত হয়েছে। পরিবারকে সমাজ গঠনের প্রথম ধাপ বলা হয়। সভ্যতার অগ্রগতির সাথে সাথে পরিবারের ধরন ও কাজে পরিবর্তন আসতে পারে। কিন্তু এর প্রয়োজনীয়তা কখনো শেষ হবে না বা পরিবার প্রথা কখনো বিলুপ্ত হবে না। সুতরাং বলা যায়, পরিবার একটি চিরস্থায়ী সামাজিক সংগঠন।

গ উদ্দীপকে রত্নার আচরণ হতাশাব্যঞ্জক। সে তার বন্ধু ও অন্যদেরকে এড়িয়ে চলতে চায়। এর পিছনে অন্যতম প্রধান কারণ হলো সামাজিকীকরণে পরিবারের ভূমিকা। শিশুর জীবনে ভালো ও খারাপ অভ্যাস শিশুর সামাজিকীকরণের ফল। পরিবার সামাজিকীকরণের গুরুত্বপূর্ণ মাধ্যম। পরিবারের সদস্যদের আচার-আচরণের মধ্য দিয়ে শিশুর সাথে একটা পারস্পরিক সম্পর্ক গড়ে ওঠে। উদ্দীপকে রত্নার বাবা চাকরির সুবাদে অন্যত্র চলে গেলে রত্নাও তার বাবা-মায়ের সাথে সেখানে চলে যায়। ফলে রত্না একক পরিবারের সদস্য হয়। এ পরিবারে তার বাবা-মা ছাড়া অন্যকোনো সদস্য ছিল না। ফলে রত্না নির্দিষ্ট একটা গভীর মধ্যে বড় হয় এবং সেখানে তার সুষ্ঠু সামাজিকীকরণ ব্যাহত হয়। সর্বোপরি রত্নার সুষ্ঠু সামাজিকীকরণের জন্য সুন্দর পারিবারিক পরিবেশ ছিল না। ফলে রত্নার আচরণে নেতিবাচক দৃষ্টিভঙ্গি ফুটে ওঠে, ভিন্নতা পরিলক্ষিত হয়।

ঘ উদ্দীপকে “রূপার আচরণে যৌথ পরিবারের অবদান সর্বাধিক”—উক্তিটির সাথে আমি একমত। আমরা জানি, যৌথ পরিবারে দাদা-দাদি, চাচা-চাচিসহ অন্য সদস্যদের সাথে শিশুর পারস্পরিক সম্পর্ক গড়ে ওঠে। এ ধরনের সম্পর্কের মাধ্যমে শিশু পারস্পরিক সহযোগিতা, সহিষ্ণুতা, সহমর্মিতা, সহনশীলতা, নিরাপত্তাবোধ, সমান ভাগের অংশীদারসহ বিভিন্ন গুণ অর্জন করার শিক্ষা পায়। যা শিশুর সামাজিকীকরণে ইতিবাচক প্রভাব ফেলে। উদ্দীপকে রূপার মধ্যে বন্ধুত্বপূর্ণ আচরণ লক্ষ করা যায়। এর পিছনে প্রধান কারণ হলো রূপার যৌথ পরিবারে বসবাস। যৌথ পরিবারে বাস করার ফলে রূপার ভিতরে পরিবারের সদস্যদের ভালো আচরণগুলো সহজে আয়ত্ত হয়। কারণ যৌথ পরিবারের মধ্যে বসবাস করলে শিশুর মধ্যে সামাজিক নীতিবোধ, নাগরিক চেতনাবোধ, ভ্রাতৃত্ববোধ ও ভালোবাসা জন্মে। পরিশেষে বলা যায়, প্রশ্নোত্তর উক্তিটি যথার্থ। আমি এ উক্তির সাথে সম্পূর্ণ একমত পোষণ করি।

সৃজনশীল অংশ

কমন উপযোগী সৃজনশীল প্রশ্নের উত্তর শিখি



৬ মাস্টার ট্রেনার প্যানেল প্রণীত সৃজনশীল প্রশ্ন ও উত্তর

পাঠ ১ : পরিবারের ধারণা ও ধরন (পাঠ্যবই পৃষ্ঠা ২৯)

শিখনফল ১.১ : পরিবারের ধারণা ও বিভিন্ন ধরন সম্পর্কে ব্যাখ্যা করতে পারবে।

প্রশ্ন ৩ ‘কাতার ডিলা’ ঢাকার একটি তিন তলাবিশিষ্ট বিল্ডিং-এর নাম। এ বিল্ডিং-এর প্রথম তলায় কুদরত সাহেব তার স্ত্রী ও অবিবাহিত পুত্র মামুনকে নিয়ে বসবাস করেন। দ্বিতীয় তলায় বজলু সাহেব বাবা-মা, তার স্ত্রী ও বিবাহিত পুত্রসহ বসবাস করেন। বজলু সাহেবের পুত্রের একটি ৭ বছরের কন্যাও তাদের সাথে বসবাস করে।

- ক.** পরিবার কীরূপ সামাজিক সংগঠন? ১
- খ.** পরিবারের সদস্যদের দায়িত্ব ও কর্তব্য উল্লেখ কর। ২
- গ.** কাতার ডিলার পরিবার দুটোর ধরন ব্যাখ্যা কর। ৩
- ঘ.** শিশুর সুষ্ঠু সামাজিকীকরণে বজলু সাহেবের পরিবারটির প্রভাব তোমার পাঠ্যপুস্তকের আলোকে আলোচনা কর। ৪

৩নং প্রশ্নের উত্তর

ক পরিবার একটি চিরস্থায়ী সামাজিক সংগঠন।

খ প্রত্যেক পরিবারের সদস্যের সুনির্দিষ্ট কিছু দায়িত্ব ও কর্তব্য থাকে। সদস্যদের মধ্যে থাকে গভীর সম্পর্ক। যার মূলে রয়েছে স্নেহ, মায়া-মমতা, ভালোবাসা এবং আবেগীয় সম্পর্ক। সমাজের প্রাথমিক প্রতিষ্ঠান হিসেবে পরিবার নানা রকম দায়িত্ব পালন করে থাকে। এদের মধ্যে বংশরক্ষা ও সামাজিকীকরণ অন্যতম।